



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆ

Հասցե՝ ք. Արմյան, Կոտայքի փողոց 8 շենք

Հեռ.՝ (+374 222) 2-01-63

Էլ. հասցե՝ kotayq@court.am

N ԴԴ-23 Ե- ՔՆ 294/24

ԿԴ/9830/02/21

28/03/2024թ.

Հայցվոր՝ Արշալույս Հակոբյանի
Կոտայքի մարզ, Նոր Հաճն, Սպորտային 1/14

Պատասխանող՝ Մարտուն Հակոբյանին
Կոտայքի մարզ, Նոր Հաճն, Շահումյան փողոց 3 շենք բն 21

Ուղարկվում է ՀՀ Կոտայքի մարզի առաջին ատյանի ընդհանուր իրավասության դատարանի թիվ ԿԴ/9830/02/21 քաղաքացիական գործով 28.03.2024թ. կայացրած «Նախնական դատական նիստը ավարտելու և գործը դատաքննության նշանակելու վերաբերյալ» որոշումը:

ԴԱՏԱՎՈՐԻ ՕԳՆԱԿԱՆ

Ա.ՄԿՐՏՉՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆԻ
Ո Ր Ո Շ ՈՒ Մ**

**Նախնական դատական նիստը ավարտելու և գործը
դատաքննության նշանակելու վերաբերյալ**

28.03.2024թ.

ք. Արովյան

Հայաստանի Հանրապետության Կոտայքի մարզի առաջին ատյանի ընդհանուր իրավասության դատարանը, նախագահությամբ՝ դատավոր Ն.Թորոսյանի, քարտուղարությամբ՝ Թ.Պետրոսյանի, հայցվոր՝ Ա. Հակոբյանի, հայցվորի ներկայացուցիչ՝ Ա. Ասլանյանի, դռնբաց դատական նիստում քննության առնելով թիվ ԿԴ/9830/02/21 քաղաքացիական գործը

Պ Ա Ր Զ Ե Ց Ի



Արշալույս Գրիշայի Հակոբյանը (այսուհետ՝ հայցվոր) հայցադիմում է ներկայացրել Հայաստանի, Հանրապետության Կոտայքի մարզի առաջին ատյանի ընդհանուր իրավասության դատարան (այսուհետ նաև՝ Դատարան) ընդդեմ Մարտուն Գրիշայի Հակոբյանի (այսուհետ՝ նաև պատասխանող)՝ հայցվորի կողմից հանգուցյալներ Հայրապետ Բաղդասարի, Ջորո Բադալյանի և Գրիշա Հակոբյանի անվամբ ՀՀ Կոտայքի մարզ, Նոր Գեղի գյուղի Աղբյուրակ թիվ 13 հասցեի բնակելի տան և տնամերձ հողամասի նկատմամբ ժառանգությունն ընդունած ժառանգ ճանաչելու վերաբերյալ:

Ներկայացված հայցադիմումը 26.08.2022 թվականին մակագրվել է դատավոր Ա. Դունամալյանին և 27.08.2022 թվականին ընդունվել է վարույթ:

Բարձրագույն դատական խորհրդի 03.04.2023 թվականի թիվ ԲԴԽ-39-Ո-134 որոշմամբ դատավոր Ա.Դունամալյանի գործողման վերջնաժամկետը Հայաստանի Հանրապետության Կոտայքի մարզի առաջին ատյանի ընդհանուր իրավասության դատարան սահմանվել է մինչև 29.09.2023 թվականը, որի ավարտով պայմանավորված սույն քաղաքացիական գործը 27.10.2023 թվականին վերամակագրվել է դատավոր Ն.Թորոսյանին:

Քաղաքացիական գործը դատավորի աշխատակազմին է հանձնվել է 31.10.2023 թվականին:

Դատարանի 09.11.2023 թվականի որոշմամբ քաղաքացիական գործն ընդունվել է վարույթ և նշանակվել է նախնական դատական նիստ:

23.01.2024թ. նշանակված նախնական դատական նիստի ընթացքում գործի արդյունավետ քննությունն ապահովելու նպատակով դատարանը իրականացնելով ՀՀ քաղաքացիական դատավարության 167-րդ հոդվածով սահմանված դատավարական գործողությունները նույն օրենսգրքի 169-րդ հոդվածով սահմանված կարգով անդրադարձել է ապացուցման բեռի պարտականության բաշխմանը:

28.03.2024 թվականին նշանակվել է սույն գործով հերթական նախնական դատական նիստը:

ՀՀ քաղաքացիական դատավարության օրենսգրքի 174-րդ հոդվածի համաձայն՝

1. Դատարանը, համարելով գործը դատաքննության նախապատրաստված, նախնական դատական նիստում որոշում է կայացնում նախնական դատական նիստն ավարտելու և գործը դատաքննության նշանակելու մասին, որում նշվում են դատական նիստի ժամանակն ու վայրը:

2. Դատարանն իրավունք ունի գործին մասնակցող անձանց համաձայնությամբ նախնական դատական նիստից անմիջապես անցնելու դատաքննության, եթե գործին մասնակցող բոլոր անձինք կամ նրանց ներկայացուցիչները ներկա են նախնական դատական նիստին, բացառությամբ սույն օրենսգրքով նախատեսված հեռակա դատաքննություն կիրառելու դեպքերի:

28.03.2024թ. նշանակված նախնական դատական նիստի ընթացքում դատարանը արձանագրել է, որ գործը նախապատրաստված է դատաքննության և անցում է կատարել գործի դատաքննությանը:

Ելնելով վերոգրյալից և ղեկավարվելով ՀՀ քաղաքացիական դատավարության 174-րդ և 188-րդ, 200-րդ հոդվածներով, դատարանը

ՈՐՈՇԵՑԻ

Թիվ ԿԴ/9830/02/21 քաղաքացիական գործով նախնական դատական նիստը ավարտել և գործը նշանակել դատաքննության:

Դատաքննության համար նշանակել դատական նիստ՝ 30.05.2024 թվականին ժամը 15:00-ին, նույն դատարանում:

Որոշումն ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ



Ն.ԹՈՐՈՍՅԱՆ